



苦味

細人仔大體毋敢食苦味，比論講藥仔、咖啡、茶等等苦个東西，絕對毋肯入嘴。冷著食藥仔个時節，總係噉到噉殺天，愛大人捉等來灌落去；還記得係妹仔堵堵學講話該下，係識挑挑頂碇佢，分佢啖一口咖啡試看仔，佢个嘴一憑著，頭那就遽遽撒等走，講該「藥藥」，毋肯再過食加口。對佢兜來講食著「苦」定著係當得人畏个事情。

漸漸較大咧，就無恁驚苦味。往擺逐年熱天到來，係姆就會埔青草茶食涼，鳳尾草、狗貼耳、金錢薄荷，啖起來苦甘苦甘盡順。毋過，係講拿「大艾心」埔水來準茶食，該斯當苦呢，阿姆講這係姐婆教佢个，越苦越好，清涼解毒。

有一年，係去日本邊寮，該量時堵堵「さんま san ma（秋刀魚）」正當時，係最好食个時節。日本朋友請係食飯，佢注文兩尾焙到香香个「秋刀魚」，日本人食到當淨俐，到尾斯伸一條大骨定定。係問佢：「魚仔肚屎肚个腸，食起來苦篤篤仔，你仰通棚食淨淨呢？」朋友回答講：「苦乜係一種好滋味啊！」

食得出「苦」也係一種好滋味，應當摻年紀也有關係。係旨嫁人以前，有一擺係姆煮一鑊苦瓜湯，裡背有放排骨、覆菜，阿姆食著當合味，一頭食一頭講：「下二擺你兜儕嫁忒轉外家，毋使買麼个等路，單淨煮一鑊苦瓜湯轉來斯做得」，係心肝想敢有恁好食？經過當多年，係做人阿姆了後，也變到毋驚苦味，當好食苦瓜湯。

多歲咧，食過各種味緒了後，知得有兜東西一落嘴當苦，慢慢會轉甘，甘會轉甜，食忒還會分人尋味。就像人生个過程，在長期个生活當中總係苦多過甜。人在艱苦个時節，希望煞煞過忒，脫離困難个環境，經過風吹雨打各種个毋順利，無定會歸身傷，毋想再過過恁樣个日仔。但係，風雨過忒、日頭出來、春光明媚該下，幹轉頭來看該站「食苦」个期間，顛倒會想念，當時毋畏苦个韌性，對自家有信心摻打拚个精神，堅耐行在路項，這下正變成一個會擔硬个人。

作者：陳美燕

☆詞彙學習☆

【頂碇】dang' doi~：故意作弄他人。

【撒】ngau~：折、轉。

【大艾心】tai+ ngie~ sim`：艾草的嫩芽。

【正當時】zhin~ dong` shi：正是時節。

【注文】zhu~ vun：預訂、訂購。

【焙】poi+：用微火加熱燒烤使東西乾燥。

【苦篤篤仔】fu' dug dug er：形容很苦的味道。

【尋味】cim mui+：探索玩味。

【春光明媚】chun` gong` min mi：形容春天的景色美麗動人。

【韌性】ngiun+ sin~：柔軟易變形又結實的性質。

【擔硬】dam` ngang+：形容一個人吃得了苦，能夠忍受艱辛。。